

MOBILIZAZIOAK

Manifestazioak

Barakaldon, Portugaleten eta Santurtzin gaur manifestazioak egin asmo dituzte. Era berean, bihar eskualdeko manifestazioa egingo dute Barakaldon 20:00etan, Anaien Parkean. Bestalde, Ibarra gaur, 20:00etan, manifestazioa egingo da. Bihar greba orokorra egingo dute Ibarra eta iluntzean manifestazioa. Udalak elkarretaratzera deitu du bihar eguerdirako. Ostiralean eskualdeko manifestazioa irtengo da 19:30ean Ibaratik.

ta aurkitu zuten. Horregatik, operazio berean atxilotu dutela uste du Askatasunak.

Zortzi atxilotu Bizkaiko Ezkerraldean

Bizkaian, aldiz, Ertzaintzak zortzi lagun atxilotu zituen: bost Barakaldon, bi Santurtzin eta bat Portugaleten. Goizaldeko 04:00ak aldera, ertzainak Barakaldoko San Bizente auzunera joan ziren, Bittor Franco atxilotzera, baina atxilotzeko aginduan agertzen zen helbidea txarto zegoela-eta, gaztearen amama eta osaba bizi diren etxean sartu ziren. Okerraz jabetuta, ertzainek atarian itxaron zuten eta Bittor Franco etxetik atera zenean atxilotu zuten. Lehenago, gaztearen arreba atera zen eta ertzainek pistola buruan jarri zioten, senideek salatu zuten.

Geroago, ertzainak Foru kaleko etxe batera joan eta han bizi ziren hiru gazteak atxilotu zituzten: Koldo Delgado, Roberto Vecino eta Clemente Ruiz. Bizkaia kaleko etxe batera ere joan ziren, eta han Andeka Jurado atxilotu zuten. Gurasoek salatu zuten, ertzainek ez zuten miazteko agindurik erakutsi eta etxe osoa arakatu zuten inor aurrean ez zegoela. Beste gauza batzuen artean, bideo zintak eta musika kaseteak eraman zituzten.

Beste aldetik, Santurtzin Arkaitz Arroyo eta Aitor Urtsu atxilotu zituzten, eta Portugaleten, berriz, Ander Arriaga.

13:30ean, ertzainak Barakaldoko Foru kaleko etxera itzuli ziren, pisua miazteko, baita Bittor Francoren etxera ere, Miranda etorbideko 8. zenbakian, San Bizente auzunean. Bigarren miaketa horretara ertzainek atxilotutako gaztea eraman zuten. Ertzainek etxe osoa miatu zuten, ganbara eta teilatua barne, eta 16:05ean, Franco berriro etxetik atera zutenean istilu batzuk sortu ziren, ertzainak oldartu baitzitzaizkien etxe aurrean txaloka eta oihuka zeudenei. Kolpe eta bultzada batzuk izan ziren.

Ertzaintzak zenbait kale istilutan parte hartu izana egotzi



JON URBE / ARGAZKI PRESS

Tolosaldeko bost alkatek eta atxilotuen senideek prentsurrekoa eman zuten, atzo, polizi operazioa salatzeko.

«Frankismo garaiko sarekadekin» parekatu dute Tolosaldeko alkateek

Atxilotuak berehala aske uzteko eskatu du, ahobatez, Ibarako Udalak; eta bere kezka azaldu du «jasan dezaketen tratuatik»

G.Olaizola | IBARRA

Tolosaldean izandako polizi operazioa «frankismo garaiko sarekadekin» parekatu zuten atzo Tolosaldeko bost alkatek. Atxilotetak gaitzesteko prentsurrekoa eskaini zuten atzo goizean alkateek eta atxilotuen senideek. Iñaki Urkizar Ibarako alkatea, Jesus Mari Zelaia Belauntzakoa, Jose Cruz Goñi Leaburukoa, Antton Izagirre Tolosakoa eta Maixabel Arrieta Villabonakoa izan ziren.

Bost alkateek atxilotuen «berehalako eta baldintzarik gabeko askatasuna» exijitu zuten, «gazte hauen errugabetasunean sinesten dugulako».

Ibarako alkate Iñaki Urkizarrek «indar okupatzaileek Euskal Herria utz dezatela», eskatu zuen. Urkizarren esa-

netan, «Espainia berriz ere jauzi errepresibo bat garatzen ari da gure eskubide zibilak eta politikoak aitortu beharrean».

Jesus Mari Zelaia EAJri eta EARI ardura «denona» dela gogoratu nahi izan zien. «Deialdi berezia egiten diegu EAJri eta EARI jarrera alda dezaten. Abertzaleen arteko batasuna behar da une honetan». Ildo beretik, Jose Kruz Goñi gaineratu zuenez, «EAJk eta EAK ezin dute bide horretatik jarraitu, tranpan ari dira».

Bestalde, Maixabel Arrieta demokraziaz mintzatu zen: «Argi dago gure herrian ez dagoela demokraziarik. Horrelako ekintzetan ikusten da garbi. Eta hori jasanezina da». Gatazkaren irtenbidea «denon artean bilatu» behar dela azpimarratu zuen Arrietak.

Tolosako alkate Antton Iza-

girrek frankismo garaiarekin alderatu zuen egungo egoera. «Horrelako sarekadekin frankismo garaian bizi izandakoa datorrit burura», esan zuen.

Euskal Herriko gatazkak konponbidea baduela gaineratu zuen, eta «denon ardura» dela irtenbide hori bilatzea. EAJri eta EARI ere luzatu zion deia Izagirrek: «Jokaleku berri bat bilatu behar dugu, eta demokrazia eta abertzale guztiok batu behar dugu». Horretarako «ausardia» eskatu zien.

Udal batzarra eta manifestazioa Ibarra

Ibarako Udalak atxilotuen inguruan Batasunak aurkeztutako mozioa onartu zuen atzo ahobatez, Batasuna, EAJ eta EAKo zinegotzien botoekin. Ezhoiko udal batzarra egin zen atzo iluntzean. Udalak bere elkartasuna adierazi zien atxilotuei eta beren senideei, eta «berehalako baldintzarik gabeko askatasuna» exijitu zuen.

Guardia Zibilaren eskuetan inkomunikaturik bederatzi herritarrek «jasan dezaketen tra-

tu eta indefentsio egoeratik» bere kezka azaldu zuen. «Euskal Herriaren aurka ematen diren tortura kasuak onartezinak direla» adierazi zuen, eta terrorismoaren aurkako legearen «ezabaketa» eta «indar okupatzaileek Euskal Herria utz dezatela» eskatu zuen.

Mozioan agertzen denez, «euskaldunok ez gara gure buruaren jabe. Madril eta Parisen esku gaude. Horrekin bukatu behar dugu, eta errespetatuak izan behar dugu, hortik etorriko baita bake iraunkorra erakitze bidea, hau da, Euskal Herria burujabe eginez eta bake eta demokrazian oinarritutako herria antolatuz».

Azkenik, bihar eguerdiko 12:00etan udaletxe aurrean *Utzi bakean Euskal Herria* leloarekin egingo den bilkuran parte hartzeko deia egin zuen Udalak. Ondoren, manifestazioa egin zuten 400 lagunek, *Atxilotuak askatu. Utzi bakean euskal Herria eta gazteria* zuten pankartaren atzean. Gaur Belauntzan eta Leaburun udal batzarrek egingo dira 20:00etan.

zient atxilotutakoei, azken hilotan Ezkerraldean izandako hainbat erasotan, hain zuzen. Iazko abuztuaren 5ean, Portugaleteko Kristo kalean Ertzaintzaren patruila batek jasanako erasoarekin lotu zituzten atxilotuak. Erasoa hartan ertzain bi larrizauritu ziren.

Gipuzkoako kale erasoak «arduradunak»

Angel Acebes Espainiako Barne ministroak atzo adierazi zuen,

Gipuzkoako atxilotuen artean azken urteetan Gipuzkoan izandako kale erasoak «arduradun garrantzitsuenetako batzuk daude». Hala ere, ez zuen zehaztu zein erasorekin lotzen dituen, eta hori hurrengo egunean zehaztuko dela esan zuen.

Atxilotuetako bat edo bestek EAJko zuzendaritzako kideekin edo taldeekin «harremana» izan duela uste du Angel Acebesek, eta joan den astean Guardia Zibilak egindako polizi ope-

razioaren jarraipena dela esan zuen.

Askatasunak prentsa oharra kaleratu zuen, «atxilotetako hauek Ertzaintzak izandako jarrera bortitza» salatzen. Guardia Zibilak miaketetan izandako jarrera ere salatu zuen Askatasunak, «indarkeria erabili eta senideen artean beldurra eragin duelako». Aldi berean, bere kezka azaldu zuen Guardia Zibilaren egoitzetan atxilotuek jasan dezaketen tratuatik.

«Guardia Zibilak tortura sistematikoki erabiltzen du. Joan zen asteko atxilotetak frogatu behar dira», esan zuen.

Gurasoak elkarrekin eta atxilotuen senitarteekin prentsurreko bat eskaini dute gaur eguerdian, Barakaldoko udaletxearen aurrean. Segik ere gogor salatu zituen atxilotetako, eta Espainiaren «anikilazio estratregian» sartzen direla esan zuen. Mobilizazioetan parte hartzeko deia egin zuen.